

IZVJEŠTAJ O AKTIVNOSTIMA RC Zenica U 2019/2020

U prethodnom periodu 1019-2020 organizirali smo rad RC Zenica bez većih problema. Sastav članova se malo smanjio i promijenio sastav, ali imamo osnovno jezgro koje je aktivno od osnivanja kluba.

Problemi u radu kluba su izraženi u periodu pojave pandemije COVID 19, tako da smo se prestali sastajati u drugoj polovini marta do danas. Aktivno komuniciramo preko naše viber grupe i usaglašavamo stavove na taj način.

Ne možemo u ovim uvjetima ništa značajno uraditi na širenju članstva, jer smo mi mlad klub i još nismo dovoljno prepoznati u lokalnoj zajednici. Pored toga, naše druženje s novim članovima je uvijek počinjalo na našim sastancima, što je zatvaranjem Hotela Zenica to onemogućeno.

U periodu pandemije COVID 19 uspjeli smo organizirati nabavku i donirati 1400 specijalnih kesa za opasni/infektivni otpad Kantonalnoj bolnici Zenica. Vrijednost donacije je 1404 BAM, a finansirali smo donaciju vlastitim sredstvima.

Što se tiče situacije u vezi pandemija COVID 19 u Zeničko-dobojskom kantonu je relativno dobra: nismo imali smrtnih slučajeva, imamo jedno žarište u Maglaju (sjeverni dio Kantona), na snazi su mjere ograničenog kretanja za starije od 65 god. i mlađe od 18 god, obavezno je nošenje maske i održavanje socijalne distance, još uvijek je obustavljena nastava u svim školama i univerzitetima, zabranjeni su svi sportske, kulturni i slični događaji. Ovako restriktivne mjere su dale očekivane rezultate, ali je privreda podnijela velike gubitke i od toga ćemo se dugo oporavljati.

Pripremili smo tribinu o izmjenama Zakona o porezu na dohodak, kojeg smo namjeravali organizirati u suradnji s Udruženjem poslodavaca, ali nismo uspjeli organizirati prije ove krize izazvane pandemijom COVOD 19. Planirali smo također jedni tribinu na temu „Tranzicijska pravda u BiH“ koju bi održala članica RC Bijeljina, Aleksandra Letić.

U prvoj polovini ove godine smo intenzivirali aktivnosti na uasglašavnju aplikacije za Global Grant. Ovaj projekat pod nazivom „Povećajmo čitalačku pismenost“ pripremamo u suradnji s G. Ottom Groh iz Rotary Club Beč. U okviru projekta želimo donirati po 250 knjiga školske lektire bibliotekama u svim osnovnim školama u ZE-DO Kantonu i organizirat niz aktivnosti (radionice, takmičenja, i sl.) na vraćanju učenika knjizi, u cilju povećanja opće pismenosti učenika u osnovnim školama. Ovaj projekt planiramo realizirati zajedno s Ministarstvom za obrazovanje, nauku, kulturu i sport ZE-DO Kantona i Pedagoškim zavodom Zenica, s kojima smo uspostavili veoma dobru suradnju.

U protekloj 2019-2020 godini realizirali smo slijedeće projekte:

- Iz distrikt granta, ličnih sredstava i donacija naših članova i prijatelja iz Rotary kluba TuIn iz Austrije osigurali smo četiri godišnje stipendije u školskoj godini 2019/2020 za studente, štíćenike JU Dom i porodica. Potpisivanje Ugovora će biti u toku ovog tjedna – bilo je planirano u martu, no situacija sa COVID-19 je formalno prolongirala potpisivanje.
- Organizirali smo javnu tribinu zajedno s udruženjem dijabetičara ZE-DO Kantona 14.11.2019. godine povodom SVJETSKOG DANA BORBE PROTIV DIJABETESA.
- Organiziramo već dvije godine prigodom novogodišnjih praznika druženje uz muziku i zakusku za štíćenike Doma penzionera u Zenici.
- Podržali smo Udruženje roditelja djece s posebnim potrebama kupovinom njihovih čestitki i prigodom novogodišnjih praznika upriličili za članove udruženje druženje uz muziku i uručili im prigodne paketiće.
- Povodom Rotary Day darovali smo po 100 KM svakoj novorođenoj bebi 23.2.2020. u Kantonalnu bolnici Zenica, kao dio zajedničke akcije svih Rotary klubova u BiH.
- Podržali smo nabavku teleskopa za učenike iz osnovnih škola koje će realizirati Udruženja za fiziku, informatiku, tehniku i tehnologiju (FITT).

Prije izbijanja pandemije COVID 19 usaglasili smo termin (6.6.) i definirali sadržaj za naše tradicionalno druženje na srednjevjekovnoj Vrandučkoj tvrđavi (pod nazivom Vrandučka noć), ali će to kao i druge aktivnosti vjerovatno biti prolongirano dok se situacija ne normalizira.

Medijski smo prisutni kako u lokalnim medijima (portali, novine, predsjednik gostovao na TV Zenica) tako i u medijima na državnom nivou (nekoliko članaka u novinama Oslobođenje i Dnevni avaz, najpopularnijim novinama u BiH).

PREDSJEDNIK 2019/2020

Harun Imamović